



সংস্করন: মফস্বল, পাতা- ৩

সোমবার, ২৭ সেপ্টেম্বর ২০২১, ১২ আশ্বিন ১৪২৮

ভাসা ফাউন্ডেশন শুরু হলো নারীদের হাতের কাজের প্রশিক্ষণ

চট্টগ্রাম অফিস : চট্টগ্রামের প্রায় এক হাজার সুবিধাবঞ্চিত নারীকে বিনামূল্যে সেলাই, এমব্রয়ডারি, ব্লক-বাটিক ও কারচুপি কাজের ওপর প্রশিক্ষণ কার্যক্রম শুরু করেছে বেসরকারি উন্নয়ন সংস্থা ভোলান্টারি একটিভিটিস ফর সোশ্যাল এন্ড হিউম্যান এডভান্সমেন্ট ফাউন্ডেশন-ভাসা ফাউন্ডেশন। ট্রেনিং ফর স্কিল ডেভেলপমেন্ট (টিএসডি) প্রশিক্ষণ কর্মসূচির আওতায় প্রতিটি সেক্টরের প্রশিক্ষণার্থীদের ৩৬০ ঘণ্টা করে প্রশিক্ষণ দেয়া হবে। ইতোমধ্যেই চট্টগ্রামের পাহাড়তলী, সীতাকুণ্ড, খুলশী, কুমিরা, হালিশহর এলাকায় এই প্রশিক্ষণ শুরু হয়েছে।

গত ২৫ সেপ্টেম্বর নগরীর বন্দর থানাধীন মুল্লীপাড়া এলাকায় এই প্রশিক্ষণ কর্মসূচির উদ্বোধন করা হয়। উদ্বোধনী অনুষ্ঠানের সভাপতির বক্তব্যে প্রতিষ্ঠানের প্রধান নির্বাহী পরিমল কান্তি পাল বলেন, তীব্র প্রতিযোগিতার এই যুগে একজন কর্মক্ষম ব্যক্তিকে দক্ষ গড়ে তোলার কোনো বিকল্প নেই। তাই আত্মকর্মসংস্থান ও দারিদ্র্যবিমোচনে ভাসা ফাউন্ডেশন সুবিধাবঞ্চিত নারীদের জন্য বিভিন্ন হাতের কাজের প্রশিক্ষণ কর্মসূচির আয়োজন করেছে। ৯ হাজার ৬০০ জন সুবিধাবঞ্চিত নারী এই কর্মসূচির আওতায় প্রশিক্ষণ গ্রহণ করবেন।

উদ্বোধন অনুষ্ঠানে প্রশিক্ষণের জন্য সদস্যদের মাঝে প্রশিক্ষণ সরঞ্জাম বিতরণ করা হয়। অনুষ্ঠানে অন্যদের মধ্যে বক্তব্য রাখেন মো. হাবিবুল্লাহ, রাজু চৌধুরী, বিজয় পাল, রেজাইল করিম, হেলাল উদ্দিন, জান্নাতুল ফেরদৌস, মো. মানিক, রুবি, ববি, মারিয়া, তানিয়া, রশিদা প্রমুখ।

সম্পাদক: শ্যামল দত্ত, প্রকাশক: সাবের হোসেন চৌধুরী

কর্ণকুলী মিডিয়া পয়েন্ট, তৃতীয় তলা, ৭০ শহীদ সাংবাদিক সেলিনা পারভীন সড়ক, (নিউ সার্কুলার রোড, মালিগাং),

ঢাকা-১২১৭ ফোন: ৯৩৬০২৮৫, ৮৩৩১০৭৪ ফ্যাক্স: ৯৩৬২৭০৪, সার্কুলেশন ও বিজ্ঞাপন : ৮৩৩১৮০৬